



聖宋名賢五百家播芳大全文粹卷一百十一

青詞

百頃之福寧殿落建壽聖節道場青詞 王岐公

畫堂發慶適紀誕辰祕殿祈祥載教妙式企高靈之

下墮監精素之上通永佑函生大延景祚

歲籙更端陰華生魄興言震夙之旦實擁神靈之休

爰即真祠敷<sup>其</sup>冲式奠上穹之默監錫邦祚之丕隆

上清觀洛建天寧節設醮青詞

草莽雖微皆出乾坤之造君親有慶共殫臣子之誠  
屬誕聖之昌期竭願天之至懇筵張邃宇像設殊庭  
冀回赫赫之光俯察區區之意伏願顧謨明德惠綏  
永圖志上下以咸同時雨暘而盡若九州四海日陶  
有恥之風億載萬年歲獻无疆之壽

福寧殿啓建天慶節道場青詞

禧動年芳華生月朏仰祥符之盛烈膺上帝之靈文

載歷嘉辰共循先制被九重之秘宇舉三極之冲科  
庶恢道甫之宗永介皇圖之固

福寧殿啓建天貺節道場青詞

珍符發瑞佳節標期披太素之琅書企紫辰之芝御  
伏冀密誠上格靈貺下敷助永昌圖歸勤大道

靈釐殿滿散乾文節道場青詞

正陽之月震誕紀期消闢珠庭以延颺御瓊科藁笈  
脩葺以虔伏冀高潔儲靈垂佑寡德邦歷之固與民

均休仰答至仁匪誠敢怠

五劫之福寧殿啓建先天節道場青詞

但暑收辰素高臨候稽靈源於道祖啟丕祚於皇基  
載肅殊庭甫度法會欽若王神之佑永惟重器之承  
敢怠至精以懷真蔭

靈釐殿滿散同天節道場青詞

祇紹慶圖仰繫靈頤屬恢台之布序實誕育之紀辰  
爰即祕庭夙崇法會甫畢齋修之素終蒙保佑之仁

三劫之福寧殿滿散先天節道場青詞

寶籙自天珍符在國適紀素商之序夙清祕殿之筵  
探道蘊於琅函企真游於紫極至誠內罄冲祐長孚

萬壽觀啓建乾元節道場青詞

炎序開端誕辰命節惟冲人之紹歷荷靈廕之純休  
爰啟殊庭載嚴淨式伏冀俯回鑒謔薦錫嘉休永嘉

卅世之基彌固如山之壽

福寧殿啓建天祺節道場青詞

圓靈孚佑寶命未符載承先烈之休又紀嘉辰之會  
夙探冲式編繹真文冀神造之溥臨錫邦圖之永久

靈登殿滿散同天節道場青詞

大統當天三陽表夏紀靈樞之夙照陳祕洞之重科  
逖欽不宰之私默下有生之施終回冲監永祚皇休

玉隆觀啓建乾元節道場青詞

茂樹交秀薰風導和當炎靈化育之初實妙質誕生  
之候普膺聖護參荷真休奉春秋則廟社歌寧御遠

通則兵民保大敢憑醮席恭導虔誠庶資薰潔之修  
仰達紫清之鑒洽敷順氣玉帛群倫

福寧殿滿散天貺節道場青詞

祕殿集靈僊符紀節祇循綠蘊之範遊禮紫虛之游  
伏冀感真洞元右德錄行陶物生之大順錫邦祚之

鴻休

洞霄宮啓建乾元節道場青詞

月旅正陽當百家之茂盛祥標誕節期萬壽之穹隆

式按舊章載嚴秘殿延紫霄之飛馭誦玉笈之靈篇  
伏冀誠懇上通聖真垂佑錫之多福均動植之微幽  
永以无疆並乾坤之悠久

福寧殿啓建先天節道場青場詞

秋迎新朔節紀佳辰感靈系之肇祥企高晨而薦信  
瓊科按式玉笈翻文庶法道之自然以資功於不宰  
俯回冲監終佑皇圖

明道觀啓建先天節道場青詞 孫夢得

暑伏畢期商秋開序稽道祖發祥之兆迺先朝紀節  
之辰恭建清場載循舊矩寶薰交馥真典遞更賡伏  
願精意上交大慈光照生民饒衍廣宇太寧

福寧殿啓建先天節道場青詞 王岐公

但暑收節涼颺應辰稽道祖之生期啓皇圖之永祚  
有嚴邃宇式按冲科揚維大寶之承欽若上靈之睠  
敢忘顛慄以嚮順祥

福寧殿滿散先天節道場青詞

寶系發祥真符告祚肇素煒之凝候即秘殿以陳科  
集供清場致精道果期九真之迪蔭保百世之延洪  
仰答願懷敢忘顛慄

福寧殿滿散天祺節道場青詞

大象開先必根於元造寶文騰瑞載紀於嘉辰按象  
聖之舊彝企高辰之列御終祚明烈永孚順釐

福寧殿滿散天貺節道場青詞

上靈頌德早錫於休符季夏協辰載臨於嘉節神謀

燕後寶歷鴻垂益嚴三景之科遙游九閔之御幾崇  
妙蘊仰契真風

靈釐殿啓建皇太后生辰靈寶道場青詞

良月戒寒純坤宅厚配慈闈之誕序會聖歷之嘉辰  
前後殊庭具敷靈式庶演真風之妙永同皇祚之休  
靈釐殿滿散皇太后生辰道場青詞

尊履皇圖孝申母養屬商飈之御氣紀沙麓之開祥  
夙採秘洞之科屢揖列真之御庶資道妙丕錫時休

觀文殿滿散皇太后生辰道場青詞  
冬薦尊寒應就盈之良月廿闌鍾慶紀載誕之休辰  
敬別殿之清場研上清之妙教庶續慈齡之茂永均  
皇歷之昌

奉元殿啓建皇帝本命道場青詞

正陽紀月元命屆辰仰叨清都恭開靖會舉靈文而  
參講集芳品以具陳伏冀盼鑿儲精希微降鑒垂在  
天之仙廕祚卜世之皇基

鴻慶宮啓建皇帝本命道場青詞

別都之興皇運啓基作為靈宮館寓衆聖願循眇質  
嗣撫休期屬歲律之乘秋推命元之協日載嚴道式  
丕迓純釐

慶寧宮啓建皇帝本命道場青詞

猥以涼德獲承至尊願慶寧之新宮實明兩之舊卽  
肆惟丕命之發式是群靈之扶歸命高真資閱妙蔭  
壽星觀啓建皇帝本命道場青詞



四時回復萬化氤氳祇荷寶圖聿臨元命仙廷之闕  
列御所棲仰薦精忠庶回道蔭  
萬壽觀落建皇帝本命道場青詞  
日晷造軒農場畢登春惟令辰將及元命潔修道會  
寅啟仙都冀霄極之鑒觀祈聖真之綏佑誕清寓縣  
豐庇生靈

會真宮落建皇帝本命道場青詞

涵象紫虛實統本生之氣秘言丹籙蓋司定命之文

考日道祥按科嚴供祓殊庭之中邃佇靈駕之下虞  
留監精明輔延昌熾嗣安丕運永嚮真風

崇福觀落建皇帝本命道場青詞

承天之序享國之安適臨元命之期仰懷乾坤之蔭  
延真秘宇按式清壇遐福於太清保皇圖之永祚  
太一宮落建皇帝本命靈寶道場青詞

惕惟眇躬欽被景歷大時播氣元命膺辰適臨炎籙  
之中預敬珍臺之會瞻玉晨之絕致迎飈御之遊願

監忱思孚垂惠蔭

建隆觀啓建皇帝本命道場青詞

首春開序元命屆辰爰被殊庭俾陳勝會亶廣揚於  
妙善祈仰格於高真密諒衷懷文敷戩穀寶圖丕固  
仙蔭永依

崇禧觀啓建皇帝道場本命青詞

大火臨墟實肇基於皇<sup>王</sup>業群飈洎館爰系迹於真風  
顧蒙寄於丕圖薦推辰於始命往即殊庭之夕具宣

元洞之科精志所孚皇休是祚

鴻慶宮啓建皇帝本命道場青詞

九清右下陰扶皇祚之延六氣旋中環次命元之紀  
肅依道宇明按真科敢薦誠忱庶迎福順

明道觀啓建皇帝本命道場青詞

天心丕應肇新邦統之承月律再移旋次命元之紀  
逝瞻祕館素宅靈樞載陳瑤席之芳具繹琅書之縕  
伏冀颺游格馭斗籍著符終繫覆露之仁永保熾昌

之祚

延祥觀啓建太皇太后本命道場青詞

尊履皇基孝形絲宇方極祖慈之養薦臨元命之辰  
按靈步於行綦演冲科於祕館庶誠忱之上格錫壽  
祉之丕延

慶寧宮啓建太皇太后本命道場青詞

淑律收華炎煒御氣驗清臺之新歷紀慈殿之元辰  
夙敷祕洞之科緬念高辰之馭庶綏神右常協邦休

太一宮啓建太皇太后本命道場青詞

孝奉慈顏象尊元命載被禁楹之邃仰延真馭之游  
探三洞之冲科披始青之祕籙庶資道妙永介靈休

萬壽觀啓建太皇太后本命道場青詞

茂績皇圖尊承慈壺屬陽春之季月紀元命之嘉辰  
爰被殊庭仰延法御庶默回於圓造用丕錫於靈釐  
萬壽觀滿散太皇太后本命道場青詞

煩幄延真肅揖飈游之駕珠臺按式載披寶籙之文

既齋明之盡誠亦盼嚮之來顧終延妙本永薦慈休  
坤寧殿啓建太皇太后本命道場青詞

荷天休命嗣國丕基孝承祖養之慈時及命元之紀  
企列真於上極宗衆妙之高風庶默下於靈觀用蕃  
膺於冲祉

奉元殿建皇太后本命道場青詞

母儀正位極致養於孝誠神造主生推發祥於元命  
屬上冬之吉序敷三洞之靈科庶集冲釐均休皇祚

太一宮啓建皇太后本命道場青詞

孝尊長樂序戒元辰禁館敷筵僊函發錄伏冀上真  
垂祐寶祚均長敢薦信於靈觀永希風於道甫

慶寧宮啓建皇太后本命道場青詞

慈闈致養方率孝於羣倫寶律薦時載推辰於元命  
即列真之邃宇研諸妙之靈文庶歸蔭於道風益均  
祥於皇祚

西太一宮啓建皇太后本命道場青詞

長信奉親必極天下之養元辰本歷載當冬仲之期  
緬欽不滓之私默系有生之命延羽禱之上侶按瓊  
科之妙儀庶閱道於真風益輔祥於永祚  
南郊預告道場青詞  
宋子京  
祇嗣慶基大舉裡燎幸萬物之時又問四方之少虞  
三歲于茲舊章可述已圖嚴配前喻收司外竭馨嘉  
中率虔鞏庶申昭事式啓蕃禧

南郊預告道場青詞

蘇子由

嗣守丕業于今四年躬祀總章方期再見講魯之舊  
當先事於泮宮稽國之常亦預祈於中禁祓除祕殿  
祇俟真游降福儲祥望璇霄而非遠奉珪奠幣冀釐  
事之有成

明堂禮畢道場青詞

汪彥章

此講嚴裡用昭美報荷三靈之降鑒致百禮之備成  
敢修秘笈之儀用企叢霄之馭庶扶景祚永格殊休  
明堂禮畢道場青詞  
蘇子由

因聽政之堂修饗帝之祀陟配文考大賚四方禮成  
不違神貺昭答念非寡德之致願依妙道之餘祇祓  
禁塗遠迎真馭誠心上達微供獲陳

裕饗預告青詞

歐陽永叔

宗廟之嚴裕宗為重乃卜孟冬之吉躬脩合食之儀  
仰企上靈冥孚陰佑俾克成于盛禮冀永錫於純禧  
式展孝思用膺神貺

裕饗預告青詞

宋于京

裸玉奠芳徧躋於左廟星旒燭景遂集於陽郊宸企  
清都回經馳道式車示謹罷蹕戒喧方祇燎於天柴  
聿除精於幔省仰祈真廕助畢鴻儀

廟祭預告青詞

今者屬圖宏祝先見高真叩寶宇之靖嚴滌瑤觴而  
伏獻眷惟祕宇夙奉慈闈碩奠鬯之難兼委薦紳而  
攝告靈游元隔精意幸昭茲者躬款殊庭祇見真祖  
茂瞻玉理進袂霞觴眷惟慈寢之嚴夙厚慶源之蔭

已詔職事攝奉舊章願委餘禧以光降祚  
四瀆投送金龍玉簡青詞  
孫仲益  
妙道希夷實司於化育名區邃邈允宅於真靈向因  
文考之諱辰仍屬華年之首序肅延淨侶祇被清場  
秘蘊交敷冲科並講俾迨投於信簡庸庶示於虔誠  
伏冀順擁祥釐均消禳泮決于廣宇綏此羣生

茅山金山投送金龍玉簡青詞 王岐公

神畿之奧璇館凌虛道祖之靈蘿圖系慶比按三清

之式爰敷九曜之筵薦玉簡之高文達龍淵之至信  
永孚妙蔭下錫丕祥

金山水府投送金龍玉簡青詞

祥開誕序會集仙科祕府溟淵式通妙宰行龍傳簡  
庸達信章緬企真風益孚靈監

玉京洞金華洞投送金龍玉簡青詞

至妙者道之宗无私者天之聽維時暮春之序載被  
禁庭之嚴寶籙披函颺游下席既格表於靈監旋錫

社於皇圖瑤簡傳龍以將至信

金山水府投送金龍玉簡青詞

南有靈淵下滄祕府屬上都之敬會按三洞以成科

載刊瑤簡之文用致金龍之信庶孚冲監永祚純休

張公洞投送金龍玉簡青詞

太極涵元上真凝化顧纂圖於皇序期歛福於群生

跋景層虛按科靈宇逮清壇之已事託寶信以馳誠

庶格齋願用孚眷佑

河陽濟瀆北海水府投送金龍玉簡青詞

地控靈區淵臨遠府肅陳醮席欽迓颺游藥笈披文

式遵冲範金龍傳簡庸達信章緬企真風昭垂厚蔭

四瀆水府投送金龍玉簡青詞

紫極涵元宰群生於下土珍臺寓聖演真教於上都

遐瞻洞府之巖素宅神靈之粹式將祕簡以傳行龍

維誠信於所交諒幽通之靡格隔

四瀆北海水府投送金龍玉簡青詞



氣明薰序神發誕符解祕館之冲科集紫虛之御府  
臨靈委之淵達編玉之鏤章傳行龍之閑信庶孚情  
悃丕錫蕃祺

金山水府投送金龍玉簡青詞

靈淵徹洞本為仙府之居信簡傳龍蓋舉道家之範  
屬上都之演教瞻祕境以投誠庶格冲觀俯垂妙蔭

集禧觀啓建年交金籙道場青詞

運薄星回歲陰垂暮氣華物始春奮行新顧承大統

之休夙被三靈之蔭念薦更於順序思歸謝於元功  
前後殊庭按陳法席遙佇飛颿之駕下歆甘露之羞

萬壽觀啓建年交金籙道場青詞

四氣播時屬年陰之終紀三期啓朔方物始之乘春  
瞻眇德之承基思泰和之蒙宇預敬真廷之會大乘  
寶籙之科庶履歲元溥綏邦社

醴泉觀啓建年交金籙道場青詞

天回星紀物動年華驅積沴於故陰導太和於首序

講有冲式布于靈場仰至鑿之博臨錫庶生之正茂

福寧殿落建正旦祈福道場青詞

歐陽永叔

四時成歲嘉庶彙之咸新百福自天荷衆真之冥况  
伴開靈囿恭講仙科恢寶祚之延長錫壽康之遐永  
是惟降鑿享乃克誠

太一宮落建正旦祈福道場青詞

真游颺歎秘殿邃嚴惟首月之正時叶新陽而布慶  
俾陳法供仰薦明誠伏冀敷佑眇躬保千齡而永固

濟民壽域均萬國以同休

洞霄宮落建立春祈福道場青詞

和歷發春蒼神受職肇生萬寶平馭九農瞻惟岳靈  
分奠坤載乘熙春之落序肆華醮以迎釐披蘊祈真  
潔薰攘癘庶緣順貺有庇群元

崇禧觀落建上元祈福道場青詞

宋子京

月御分天適紀寅杓之半仙圖校福並會紫都之嚴  
祇奉靈辰普修清紀分遣有位即禱殊庭竚颺駕於

鴻濛介純祺之彤璽所冀虫虫億姓蠢蠢群生富壽  
坐躋茂靈交遂永堅淳濯仰奉高明

萬壽觀啓建上元祈福道場青詞 歐陽永叔

萬物熙春肇新陽于首歲三元紀序標令節於真經  
爰即靈場俾遵祕式薦雖陳於菲薄誠已達於精明  
伏願穹昊垂休紫清降鑒邦家錫慶永叶于泰寧民  
物遂生並臻於和樂

醴泉觀啓建保夏道場青詞

元氣斡旋時維炎序珍臺嚴邃宅于僊游披藥笈之  
冲篇祓靈壇之芳薦仰控紫閣之監異調玉燭之和

崇福觀啓建中元祈福道場青詞 宋子京

秋薦云初月靈茲望仙真普會校籙素嚴深詔攸司  
秩修常典分就殊庭之祕肅陳芳獻之華諷譯內音  
振除群累拂塵為悟濟苦而歡仰高極之喜慈恢有  
生之護貸顧臨蠲潔開佑福祥寡德蒙安齋誠敢替

福寧殿啓建中元祈福道場青詞

肇秋之辰既望之夕候仙都之校籍即秘館以敷筵  
夙稽三洞之科緬竚九清之駕

奉親廣孝二殿啓建中元祈福道場青詞

方秋之初維月既望將登年於素律適校籍於丹臺  
夙探靈料仰要冲顧庶恢風於妙有益助福於遐升

萬壽觀啓建下元祈福道場青詞

毛伯穎

良月望舒當大冬之含育下元校錄屬群聖之會同  
仰憑陰陽之慈輒備禱祈之禮吉蠲壇席稽按科儀

延飈歛於紫清整悃誠於丹素伏願真靈孚佑慈寶  
鑒臨崇降嘉祥祓除災癘誓竭精純之守仰酬洪覆  
之恩

景星宮啓建下元祈福道場青詞

時屬初寒月臨既望方仙都之校籍俾真館以陳科  
下垂圓監之臨丕錫涵生之又仰依妙用終竭至忱

太一宮啓建下元祈福道場青詞

珍臺寓席延上極之列真寶律還陰屬下元之佳節

集羽裾之淨侶瓊群笈之冲科庶格靈觀用均邦社

後苑祈皇嗣保安道場青詞 歐陽永叔

廟社降祥宮庭叶慶載蠲吉旦交薦明誠期仰格于  
清真俾敷延於祉福永期昌祚遐企靈休

福寧殿祈皇嗣催生保慶道場青詞

高穹降慶方垂佑於邦家彌月告期用薦誠於科籙  
英衆真之昭鑒臻百順以儲休

後苑催生保慶道場青詞

正陽旅月載育開祥式因靈守之嚴交薦精衷之潔  
虔望衆真之既敷昭百順之休永祚皇圖實希道蔭

禁苑催生保慶道場青詞 宋子京

恭念以眇眇之身奉玉玉之祚祈天錫美嗣歷无疆  
顧此嬪惟就安乳館永言穹昊夙庇宗祧敢通醮於  
藥宸頤委慈於禰韜克生而育俾熾而昌罄露至誠

仰頌祺祉

後苑催生保慶道場青詞

誕彌叶慶蠲潔脩誠嚴秘殿於靈宮誦真文於藥簡  
通此苾芬之薦被其災害之虞仰冀昭回丕符鑒佑  
後苑催生保慶道場青詞

吉日迎祥靈謀叶慶爰即清真之宇虔修科式之儀  
冀被滌於害災俾敷昭於福應載昌儲慶永佑基圖  
後苑催生保慶道場青

祠楫叶應弥月告祥肅依科錄以薦誠仰冀照臨之  
降鑒錫之祉福佑以休寧集慶於邦家永延鴻於基

緒

後苑祈皇嗣道場青詞

聖真所居靈感斯集屬擁休於廟社將儲慶於宮庭  
生聚仰禧幅員翹庇載馳使命恭扣清都誠款馨伸  
寶香文馥伏願神威溥護法力扶持朱帟講儀早繼  
斯皇之詠瑞曦騰曜益隆久照之期言念虔詞不勝  
企禱

集禧殿禳謝火星道場青詞

統輯群元懼德莫勝於厥付導迎休應惟真曲赴於  
所祈茲緣貽蕩之辰懼鬱攸之沴敢延冲馭俯降靈  
場冀憑敷佑之仁永享平安之慶

福寧殿啟建禳謝彗星道場青詞

上帝聽通每示民以災祥一人保圖必畏天之威命  
乃妖文著於營室戾氣歷於金方切循災變之繇實  
致瑣涼之懼用按科於祕殿方謁款於高穹庶蒙降  
鑒之私以返在躔之象

福寧殿滿散禳謝彗星道場青詞

太史占文西躔示變顧天表之靡測省邦咎之所從  
內格至精仰孚靈監忽妖芒之澄象致順氣之凝休  
益勵菲思庶符元祐

紫宸殿醮禳星變道場青詞

猥荷丕圖荐鍾否運每黃泰而事帝懼災沴之及民  
延者特屬杪秋星違常度念謹告曾元於虛是必咎  
愆有瀆於升聞夙夜靡違神形俱惕即名山之勝境

修大洞之明科仰真遊俯回靈鑒亟垂銷去之福  
永啓繫隆之期  
太一宮為民禳災天皇九曜道場青詞  
天聽之卑默下災祥之吉君應以德敏如影響之隨  
比春律之向闌乃呈驪之示變爰被華林之會仰延  
飄駕之游至忱格于靈觀順象澄於宵晷益懷修省  
之懼庶答蓋臨之私

太一宮落建新福道場青詞

蘓東坡

臣以冲眇嗣承列聖之休濟於艱難實賴文母之德  
臨蒞四載勤勞百姓為畏天之威未嘗終日而豫怠視  
民如子惟恐一夫之困窮伏願上帝降祥衆真垂佑  
消禳災沴永底壽康恭陳寶籙之科仰扣神遊之館  
敢祈昭鑒上察孝心

慶壽宮慶土道場青詞

尊奉慈闈大新寶宇屬衆役之甫就且群靈之所扶  
夙探秘洞之科仰企迴颯之御冀通至信永錫順祺



皇太后禳災道場青詞

坤光毓德夏清在辰方色養之殫誠偶時禴之與裕  
敢祈珍馭俯即禁楹曲垂神鑒之私永集慈闈之慶

聖宋名賢五百家播芳大全文粹卷一百十一終

聖宋名賢五百家播芳大全文粹卷一百十二

青詞

醴泉觀啓建祈雨道場青詞 汪彥章

時當長夏早至累旬力穡有秋徒極嗟吁之請密雲  
不雨未知霑足之期願答微之匪虛皆菲躬之所名  
伊民何罪惟帝降哀起潛伏之羣龍徧行膏澤蒸焦  
枯之百粟坐致豐年長與群生恭承景貺

醴泉觀啓建謝雨道場青詞 文士穎

常暘肆虐驚萬彙之如焚至道無私愍群生之何罪  
果蒙潤澤普濟焦枯敢誇閔雨之誠寔荷大生之德  
三農有望百室將盈仰企雲霄莫酬造化

中太乙宮啓建祈雨道場青詞

雲行雨施式資百物之亨火見金藏懼致驕陽之虐  
嘉生若禡比屋可隆輒殫懇迫之誠上瀆蓋高之聽  
仰祈昭鑒俯祐下民和氣致祥五一風雨十一雨大  
田多稼千斯倉而萬斯箱凡屬含生均蒙道蔭

中太乙宮啓建謝雨道場青詞 宋子京

清和屆辰愆亢為沴念言動植憂殄夙宵庸罄至誠  
仰祈靈祐果膺碩答遽錫蒸濡物品載融農疇滋洽  
敢致潔精之薦庶伸昭謝之懷

福寧殿啓建祈晴道場青詞

積陰成沴淫雨過常遽貽比屋之咨將失甫田之望  
念流災之所自繇菲德之致然敢厲精誠庶回休證

福寧殿啓建謝晴道場青詞

灾異之作誠告孔昭方仲秋之御辰乃淫雨之為沴  
暢奉明威之鑒遠承休應之來敢忘精喪以祇靈造  
紫宸殿啓建祈晴道場青詞 歐陽永叔  
素節適中積陰為沴春言淫雨之變懼此下民之災  
載竭精喪庶孚善應被祕極之靖密按寶籙之淵微  
永錫順祺玉胃涵宇

紫宸殿啓建祈晴道場青詞

積陰貫辰沴雨傷歲頽天灾之暴降懼邦治之大乖

適<sup>通</sup>至誠俄塞巨變終歸仁于元造永垂福於涵生

洞霄宮啓建祈晴道場青詞

大田多稼均有望於生成三日為霖恐或貽于物害  
敢殫微懇恭叩上真伏願矜閔默黎掃除陰沴雲翳  
廓開於四野日輪照於中天百穀既收三農共慶

雅飾御容道場青詞

歐陽永叔

珍宇邃巖奉真虛而有素玉容清穆謹修祓以惟時  
爰按仙科俾伸虔告載瞻道蔭宜永冲誠

蘇子瞻

威神在天像設有位稍經歲月寢失光儀輒因虛科

以告增飾容真聖所依且極華煥歲月既久必有增

嚴茲因吉日之良敢告飾工之始

歐陽永叔

靈峯甚峻仙宇載嚴爰告吉辰奉寧聖像式伸祈告

昭鑒乃誠

安御容道場青詞

蘇子由

靈德常新威顯有耀儼若斯民之望恍然真馭之臨  
肇自殊庭即安珍館稽首咸佇降福無疆

遷御容道場青詞

蘇子瞻

於皇神考肇啓闕祠方增築於未寧懼格思之有瀆

別嚴淨宇祇奉粹容式燕聖靈永綏慈敬

景靈宮啓建仁宗忌辰黃籙道場青詞

聖業垂鴻覆及妙躬之御仙遊趣駕迅驚流景之仙

撫道樂之初辰即棲真之列宇茂敷冲式欽繹靈符

庶格道於上圓益侈祥於後葉

英德殿啓建英宗忌辰道場青詞 王岐公

法馭賓空未隔願言之遠流陰易節早臨諱日之初  
瞻遺像於原祠發冲科於秘笈庶嚴道範益輔神遊

景靈宮啓建英宗忌辰道場青詞

六駕神螭莫返乘雲之御雙擎仙掌載驚零露之辰  
迨末命於當年演冲科於別宇庶恢妙用益薦遐升

資薦神宗投送金龍玉簡青詞

嗣膺丕祚追奉仙猷悵寶馭之賓空倏芳陰之環歲  
瓊科敷緼既薦福於真庭玉簡載符庸道誠於秘府  
庶回靈旣仰助遐升

資薦神宗投送金龍玉簡青詞

大行不復永慕仙遊三洞按科具資道果撤清場於  
禁宇投寶 於靈科願契真風往賓妙境

資薦神宗黃籙醮青詞

天上去留本輕於脫屣人間哀樂徒重於遺弓邈焉

丹水之遊痛矣白雲之遠雖傾河而注海豈勝涕濡  
頽頽首以喪元莫酬恩遇恭念清真之典具嚴祈醮  
之文啓金籙以陳儀願丹青而請命伏望高穹照鑒  
列聖既臨矜罔極之至情助無疆之廣福綏我先后  
燕于太清靈馭逍遙仰威顏而莫見帝鄉寥廓因妙  
體以常存永儲宗社之休溥錫臣民之慶

資薦哲宗大祥道場青詞

遺弓已遠新穀再升恭啓靈篇式嚴飈馭雲天在望

已陪帝所之游霜露既濡猶極人民之慕益敷餘祉  
大庇含生

集禧觀啓建神宗百日道場青詞

仙興趣駕莫攀上漢之遊宮隙流陰遽又踰時之慕  
建妙儀於別境募法會於諸天庶格精因更資遐陟  
資薦隆祐皇后首七道場青詞 汪彥章

彤管載功方紀闕雎之化禕衣告復忽虛長樂之朝  
願游景之莫留集哀悼而如割敢祈珍衛俯降靈塲

庶緣陰陽之仁益廣遐升之福

資薦上皇大祥青詞

神聖千齡而厭世已參仙馭之遊日星一歲而周天  
俯及期祥之候禮經有制孝感無窮輒殫螻蟻之誠  
仰答乾坤之造申嚴秘典祇祓清場諷琅函寶笈之  
文塵金闕玉闕之聽上祈天鑒敷錫神禧仰資既往  
之靈齊光北斗更福中興之運比壽南山臣無任

資薦上皇大祥青詞

聖王之禮期年而俯及齊祥臣子之心沒齒而不忘  
孝感屬茲哀慕輒鬱悃誠上祈皇覺之功式助仙遊  
之樂伏惟 太上皇帝陛下道包有截德被無疆倏  
爾歸真盡然永慕鸞儀天仗願遊上帝之庭鳳歷蘿  
圖永作後昆之福

朱表

南郊禮畢奏告南嶽表本

汪彥章

茲者舉上高之儀遵皇祐之詔合祛天地升配祖宗

蒙仙聖之護持獲純精之陳薦萬垂景貺永佑丕圖

南郊禮畢奏告普賢菩薩表本

伏以少昊方秋上辛維吉重屋親祠之禮肇講宗祈  
十萬普現之身悉垂冥助既獲熙成之貺敢忘昭報

之私

明堂預告表本

蘇子由

潔誠至享近在朝先事告誠祇祓中禁企聖真於  
璇極嚴科式於靈壇恍惚攸通福祥來暨奠奠玉而

神享迄升禮之禮成終始莫違上下蒙慶

明堂禮畢奏告景靈宮諸陵表本 汪彥章

比卜九秋之吉躬陳五室之儀荷帝溥臨及時祇薦

惟夙承於丕訖用克濟於嚴禋既享休成敢忘昭報

明堂禮畢奏告表本 蘇子由

親祠之重每三歲而後成陟配之隆及中辛而既舉

頌菲薄而何有賴真聖以為依祇按靈科潔齋祕殿

仙遊降格神況普存上保邦家之休下祈民物之定



眇然微悃過此何求

明堂禮畢奏告表本

汪彥章

伏以比涓剛日祗見合宮天地同裡既盡靈承之禮

祖宗並侑復殫孝享之誠仰獲頌歆寔由孚佑異永

鑒觀之命俾承興復之功

明堂禮畢奏告表本

躬薦微誠克終大典致周公嚴父之志達聖人享帝

之能願菲薄之何功賴仙真之垂佑歸依靡極荷戴

不忘

明堂禮畢露香表本

大享告成舊章不墜邇答昊穹之況升侑文考之靈

精意潛通多福薦至敢因清夜躬薦薄誠

明堂禮畢奏告太祖皇帝表本

伏以時丁良月嘉萬寶之既成節通週年悵三微之

將復恭惟太祖皇帝陛下功彌宇宙澤浹華莢光

垂鴻業之餘燕及眇躬之嗣因節寒之始屆致時莫

以遊思  
星變禳禱表本  
宋子京

星行於工廠有躔經政失其宜乃垂咎徵眷惟菲德  
久荷鴻休不能躬厲於至誠乃使變生於常象敢祈  
還造特鑿微衷款其名異之愆茂以致和之福

大率吉禳謝火星道場表本  
汪彥章

推類而言惟至誠之獲相降衷於下非洪造以疇依  
既祗後於殊庭蒙曲垂於昭監嘉與敷天之俗共承

嗣歲之休

奏告宣仁聖烈皇后忌辰表本

真游厭代厚祿在民適丁奉諱之辰式謹寧神之禮  
恭惟宣仁聖烈皇后殿下功高任如治格唐虞豈  
特六宮永遵儀極之範坐令四海咸賴補天之功仙  
馭益遐孝思何極

昭慈獻烈皇后橫宮旦望表本

宮壺興哀屢改階奠之旦寢園在望俄驚松柏之秋

五百家類書卷之六十一  
恭惟與昭慈獻烈皇后位正累朝德濟先后仙遊雖  
邈慈矩共存地隔三山莫獻蟠苑之寔神歸九廟長  
遊天練之宸墮過蕭辰何勝永慕

秋社表本

宮壺興哀屢改階藁之旦寢園在望俄驚松柏之秋  
恭惟與昭慈獻烈皇后儂天德大救物功深既練日  
以告功遽乘雲而不返追攀無及感愴奈何

中秋表本

長樂終天人結母慈之戀辱收告節月圓秋氣之中  
親玉瑄之屢移望栢城而增愴恭惟 昭慈獻烈皇  
后體善任之德希黃老之蹤倏赴帝鄉之期永違天  
下之養每懷遺訓徒極哀悰

九月旦表本

軒星既掣醜駕莫還方興長夜之哀忽屆杪秋之序  
恭惟 昭慈獻烈皇后功參十亂道冠六宮問寢承  
顏一朝遠長樂之養祔姑合食千載附泰陵之游搖

落有懷追攀無所

重陽表本

種種告成嘗帥九賓之獻菊萸在御莫伸萬壽之期

恭惟 昭慈獻烈皇后厚德倪天徽音垂世自哀纏

於厚夜忽時及於週年爰致孝思式陳時薦

九月望表本

椒掖戒寒柏城無曉永隔神雲之馭倏更霑露之辰

恭惟 昭慈獻烈皇后化首宮闈澤流寰宇念纂承

於丕緒蒙保佑之隆恩緬想徽音何勝孺慕

十月朔表本

繫結脩天時丁良月雖闕宮之在望瞻大練以無階

恭惟 昭慈獻烈皇后夢月鍾靈補天儂德奄隔晨

昏之養屢驚弦悔之遷茲睹流光何勝永慕

下元節表本

驗仄緹室將觀一氣之回校籍清都莫重三光之畢

緬思慈範永隔仙游恭惟 昭慈獻烈皇后所憂在

賢以儉為寶方俟含飴之慶遽興復土之哀爰即嘉  
辰載陳時薦

雅飾御容表本

蘇東坡

於赫皇祖敷佑下民眷真字之觀深儼粹容之肅穆  
雖道存不變而體有從新既祇薦於科儀斯永安於  
像設

安御容表本

馭風雲闕既參日月之光殫節琳宮尚答神民之望

爰開法會庶歎真庭願推往聖之心永錫函生之福

年節告裕陵表本

葦桃在戶徒講三朝之儀椒柏稱觴無復萬年之壽  
恭惟 謚號皇帝功施無外德治有生隨鼓漏之寢  
園莫親饋奠望衣冠於原廟空極涕流

冬節告裕陵表本

歷紀天正史書日至感舒長於測景增怵惕於履霜  
恭惟 謚號皇帝德邁堯仁功恢禹迹遊衣冠於原

廟室徒仰極威神望松柏於橋山永懷悲慕

到  
人生日祈禱道場青詞

陳丞相

二年居里常懷縻廩之慚累表叩閭未遂乞骸之請  
敢殫誠赤仰瀆負清伏念臣許國何功逢辰竊幸已  
迫桑榆之景尚貪香火之緣止足不知滿盈是懼薰  
心惕厲慮晚節以難全病骨支離念此生之餘幾屬  
辰誕毓祇薦薰修爾壽爾昌已荷乾坤之覆載將安  
將樂更期雨露之生辰

人生日禳災設醮道場青詞

唐子西

有生之象所欲不同貧者願于多財富者期於不死  
賤者志求於顯達貴者思保其久長人既無厭神應  
以應臣雖無似志寔不然雖亦有禱於三清惟乞無  
災之二字但以私門多故歷歲不寧齒髮變於艱危  
精神耗於憂慮爰於生日虔扣上真庶幾天高而聽  
卑所謂物窮則反本使身心安穩尚復何求寢食康  
寧便為至足其他外物一付自然既所請之甚微且

必從於祈禱

生日祈禱設醮道場青詞

天無私覆播萬彙以生成道非常名融一心而感格  
罄危衷之端懇望虛鑒之昭回敢以誕辰恭脩芳醮  
琅函藻笈披三洞之秘文絳節蜺旌延九霄之飛馭  
顛垂歆答俯應祈求所冀先世光靈盡蒙遷拔此生  
愆咎咸賜蕩除保身氣之安強錫壽祺之龐固齋戒  
以享上帝夙罄脩誠陰陽而福下民竚垂善應

生日祈禱設醮道場青詞

趙莊叔

臨下有赫孰窺不測之神應天以誠或動益高之聽  
伏念臣質弱多病性昏不靈雖知忠孝以盡心常懼  
寵光之過分敢以始生之日仰祈真聖之恩妙力所  
加諸惡莫作錫以多福蕃以後昆齋心潔誠永求歸  
於志道竭力盡瘁庶無愧於明時

生日賽願設醮道場青詞

妙道淵微非塵凡之可測圓穹杳邈有誠信之能通

輒陳悃悞之私上瀆益高之聽伏念臣叨恩三紀從事六官勤勞更歷於歲宗修省無忘於夙夜昨于正旦嘗落顛心許大醮之祈禳乞靈休之保護今逢誕日恭按科文集道侶於壇場頂粹容於香火仰回聖馭曲享清修伏望上帝垂慈列真降佑延偏親之壽考茂合族於禧祥三考書成祈有代更之慶百神來相俾無灾滯之虞

生日祈禳設醮道場青詞

陳丞相

身惟許國何施汗馬之勞老合歸田尚竊真祠之祿曷報乾坤之德脩殫蝼蟻之誠伏念臣起自書生濫儕朝序際聖明之熙運叨內外之要司既露孤棘之聯復玷公珪之峻德涼才薄愧浮食之周功福過運衰知來日之餘幾興言及此殊用慨然况疾病之相乘知滿盈之是懼屬逢良復屆始生平安少假於顏齡止足庶希於前哲敢陳菲薦上瀆高真百歲而七十者稀已過平生之願一善而千灾可却尚垂洪覆



之恩

之生且日祈禳設醮道場青詞

鑒觀四方天蓋垂於顯道齋明盛服人必効於敬心

臣冒寵清時偷閒暮景滿盈是戒敢忘止足之思疾

疲易生每幸康寧之保皆化工之攸庇豈綿力之可

酬遠屆初春虔修羞供伏願上元校錄均庶惠以承

休投老年齡與闔門而無恙

良耶生且日祈禳設醮道場青詞

劉中遠

日月照臨何幽弗燭乾坤覆載有感必通輒殫不息

之誠仰瀆蓋高之聽伏念某性質殘暗道力殫微既

舉足以屯危遂觸途而艱阨爰值始生之日幸懷洪

造之恩竭忠披衷誓祈鑒照陳詞滙悃願賜護持斯

言上陳此心中暢

生日祈禳設醮道場青詞

仰洪造之難名不私所應竭愚衷而昭事式表其勤

惟冀免灾敢云要福伏念臣叨塵仕版薦領戎行揣

已奚堪感知有日惟是桑弧載生之日輒脩蘋藻可  
薦之誠伏願上帝居歆圓靈錫羨泰造化爐中之物  
咸與為春載生辰宇內之天其寧惟永洽於屬類介  
以平康

生日祈禳設醮道場青詞

陳丞相

老合歸田方遂乞祠之請功何報國更叨增秩之榮  
敢瀝丹衷仰干洪造伏念臣樸愚自守悃悃不華偶  
際會於昌辰浸叨踰於顯宦薰暢屬慮深切於滿盈

病骨支離患每虞於夫日茲逢良月復屆始生輒羞  
菲薦之誠上瀆高真之聽知止知足已休退於邱園  
將樂將安更歸投於穹昊

生日祈禳設醮道場青詞

毛伯穎

九天稱慶五帝監生載惟夙昔之初寔本圓清之造  
歲時適復日月載臨蹈世諦之乖違豈無愆咎圓星  
躔之盈縮或值災危思培植於福基望增延於壽數  
按清紫之真教依黃籙之明科祇謁雲衢仰延風馭

靈壇芬席備三日之彝章丹篆朱章罄一心之悃款  
祥光下矚嘉事告成伏願慈寶鑒臨仙真孚佑北都  
象曲祈既往之超升南極未陵錫見存之誕永家門  
帖泰世路亨通誓堅信順之誠仰答願歆之造

生日祈禱設醮道場青詞

大矣乾坤曲示含弘之德微如蝼蟻輒伸懇禱之誠  
仰清高真俯祈昭鑒伏念臣奔馳薄宦困躓孤踪合  
門叨飽煖之恩晚歲荷帡幪之庇屬逢良月適屆始

生虔修醮謝之恭少効涓埃之報援溪毛而薦潔冀  
風馭之未臨惟欲免災誰云要福永無坎險俾壽考  
以康寧果獲泰亨庶提携於長幼

生日設醮清旦青詞

九宵寥邈垂科教之謹嚴三獻吉蠲備情文之祇肅  
方此群陰之伏迨茲申旦之初延溯高穹敷陳精意  
錫之多祉瀆以遐齡惟德動天敢自忘以惕厲大鈞  
播物寔仰賴於函蒙

五言古詩卷之六  
生旦設醮青詞

葛謙白

蓬矢門闈載過始生之旦藥珠宮闕久依至道之宗  
輒輸冕冕之誠仰瀆高高之聽伏念臣某早膺擢序  
寢冒寵光雖託覆圓穹默荷吉祥之相然甄形大塊  
或虞災沴之後將屆誕辰恭修醮會奏諸天之隱韻  
諷太上之真詮絳筆書詞虔拜章於玉闕銀編鑄簡  
願益笑於金房

生旦設醮青詞

合德帝先孰測希夷之妙宣功天載是彰覆幬之公  
爰伏至誠仰祈丕應伏念臣久承道蔭早襲官聯惟  
仲秋敷英之三遇誕日垂旒之六特嚴法會恭按仙  
科肅羽客之淨儀諷琅函之隱韻所覲九霄孚答三  
境居歆騰飈馭於玉宸享馨羞於瑤席鑿茲蠲潔界  
以吉祥祓浮沴於身宮衍脩期於斗籍

生旦設醮道場青詞

黃泰之

衆靈森布寔施造化之權一氣吹嘘孰匪生成之物

榮身有自稽首知歸伏念某螻蟻微軀駑駘鈍質猥  
以一言之寤濫先十佛之題豈學術之能然寔神明  
之所昇爰從叨冒益重憂虞或人非鬼責之可防或  
陰伏陽愆之生疾况平時必有悔尤之積在今日豈  
無禳祓之因式就誕辰肅陳清醮自惟德薄敢言泰  
稷之非馨苟以信孚猶曰蘋蘩之可薦冀垂皇鑒幸  
察丹衷庶盼蠶之潛通期妖氛之永殄自頂至踵誠  
知報塞之難由身及家舉賴扶持之賜

生日設醮亭午青詞

李元應

光輝萬彙方當日舍之中罄露一純欽竚二人之格  
仰叢霄之有禱啓秘籙以惟寅敢冀神明俯矜愚陋  
宣臻福慶申錫壽祺作善降祥有高天之在上至誠  
不息如皦日之難欺

生日設醮淨夜青詞

明德惟馨控純誠而必達上穹幽贊垂善教以無私  
當夜氣之沉寥仰星文之森著啓琅函而誦咏集羽

禱以嚴恭昭格靈休導迎喜祉天之覆物願常被於  
願歆夜以安身敢少忘於脩省

生日設醮敬壇青詞

一形所覆三氣攸資主錄報符既有典司之重依科  
奉教爰開醮謝之文敢以誕辰虔遵秘籙借虛暉於  
雲篆貢忱款於朱章嘉事備成神光臨煇集茲善願  
庶格純禧七世先靈莫恚蒙於超度一門親媪俾咸  
保於乂寧綏福履以無幾錫年齡而有永敢忘勵翼

仰荅願歌

夫人生日禳謝設醮青詞

陳丞相

盈虛消息是為物理之常悔吝吉凶豈非已求之自  
敢殫誠赤仰達圓清伏念臣妾幸叨封國之榮濫竊  
從夫之祿每懷媿負益用戰兢疾病相仍已迫桑榆  
之景盈滿是其莫酬造化之恩造當益夏之辰爰屆  
始生之月輒陳菲薦上瀆高真爾壽爾昌已荷乾坤  
之覆載將安將樂更期雨露之生成

夫人生日禳謝設醮青詞  
幼而壯壯而老固物理之盈虛誠則著著則明本人  
情之清淨俯輸悃悃仰達穹蒼伏念臣妾中饋未能  
暮齡浸遠既遠有家之願復叨封國之榮名秩超輸  
已劇從夫之爵恩光廣大未知配德之方屬逢孟夏  
之辰復屆始生之期敢陳菲薦上瀆高真爾壽爾昌  
皆本自天之佑將安將樂上新覆物之仁

陳相生日屬吏祈禱青詞

炳炳台符祥應誕彌之月昭昭天鑒筭增有永之年  
敢輸祈禱之誠更瀆蒼高之聽伏念某等分甘愚賤  
職備使令依光乎兩兩之躔竊庇於潭潭之府欣逢  
慶事敬發寸心仰干造化之私少答生成之賜伏願  
恩府少保觀使大觀文相公臣某壽齊南極福比東  
溟與國同休翊宗社無窮之祕錫公純嘏伴蓬壺不  
老之休

聖宋名賢五百家播芳大全文粹卷一百十二終

望來公體正百通許者大全天中卷一百十二

美之林

無與因以有明未年無幾之時隨公趁遊於

恩前也利歸如大賦之賦以公為善者每信

與有雅致十以吟下並出之味公為士與之

頗新如今亦未平兩西之變每或於朝處之

遠佩神神之餘更於燕高之數外也其事合

誠誠台者蘇蘇蘇蘇之月謝謝又登登謝百平





